



Sermon
Kxf. Dr. Numlaajtsheb Yaaj

“Nplaimtaws Kub Nplaimtaws”

The Day of Pentecost
Our Savior Lutheran Church
6-5-2022

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yob peb tus Cawmseej Tswv Yexus Khetos. Asmees.

Tes Haujlwm 2:3-4, "They saw what seemed to be tongues of fire that separated and came to rest on each of them. All of them were filled with the Holy Spirit and began to speak in other tongues as the Spirit enabled them – *Lawv pom ib yam zoo li tus nplaim taws los faib pes rhe liab pes vog mus rau lawv txhua tus. Vajntsujplig Dawbhuv los kav tagrho lawv txhua tus lub siab, ces lawv txawm hais tau lwm yam lus raws li Vajntsujplig kom lawv hais.*" (NIV) Nov Yog Vajtswv Txojlus. (Cross-reference – 1 Xamuyees 1:14, Mathais 3:11, Malakaus 16:17, Tes Haujlwm 1:5; 2:2-4; 4:8, 231)

Illustration "Fire" (Show forest fire)



Thaum nej pom hluavtaws cig kub tej nyom, havzoo, losyog tej teb uas nej taw tsaus rau nws cig zoo li cas? Cia nej xav mentsi haistias yog ib cov havzoo qhuav qhuav es nws cia li pib kub nyiab lawm, nws yuav kub nyiab sai mus zoo li cas. Nws yuav cig hlob thiab tib pliag xwb nws yuav kub thob roob thob hav huv tibi puasyog. Nej yuav pom tej nplaimtaws yuav cig sai thiab yuav ua rau nej xav tsis thob haistias ua li cas nws yuav cig kub saib heev vim nplaimtaws kub nplaimtaws. (Show burning heart)




Nov zoo nkaus li cov ntseeg thaum ub uas lawv nyuam qhuav hnov Toxjmoozoo. Cov ntseeg loj hlob sai npaum nkaus li cov nplaimtaws kub nplaimtaws uas tau cig tuaj, nws yuav tsis tuag sai tiamsis tsuas muaj cig hlob zuzus. Ua li cas cov ntseeg yuav loj hlob sai ua luaj? Vim cov ntseeg totaub haistias Vajtswv txib kom lawv yuavtsum mus tshajtawm Vajtswv Txojmoozoo uas yog txojkev cawmdim rau lwmtus. Lawv muaj hluavtaws kub lawv lub siab ib yam li tus nplaimtaws uas kub lug tsis tuag. Nws yuavtsum tau mus qhia rau lwmtus txog tus Cawmseej kom nws tus nplaimtaws kub ibtug mus rau ibtug. (Show share the Good News)



Yog koj xav kom nplaimtaws rov cig ces koj yuavtsum muab cov nplaimtaws rov zes yam uas koj zes ntawd thiaj li cig. Yog koj xav kom lwmtug kub siab lug ces koj yuavtsum kub siab lug uantej. Yog koj lub siab kublug lawm, koj tus nplaig yuav ceev tsis tau tiamsis yuav mus qhia lwm tus.

I. Hnubno yog peb ua koobtsheej nco txog “Pentecost - Peetekos” yog hnub uas Yexus cov thwjtim nrog cov tibneeg coob li 120 leej tau Vajntsujplig Dawbhuv. (Show Pentecost)



Lolus "Penta – Peetas" no yog txhais ntawm "Greek – Kilis" los yog tus leb "50." Peteekos yog ua koobtsheej 50 hnub tomqab "The Pass Over – Vajtswv Rooj Hmov Hla Dhau," yog cov ntseeg ua koobtsheej nco txog "The birthday of the church – Nco txog cov ntseeg hnub yug" uas yog tsim tsa cov ntseeg Yexus Khetos. (Show Jesus teaching his disciples)



Yexus cov thwjtim nyob nrog Yexus tau 3 ½ xyoo. Lawv nyob txhua hnub mloog thiab kawm Vajtswv txojlus txog Vajtswv lub tebchaws. Lawv kho tau tej tibneeg uas muaj mob, ntiab tau dab thiab pom lawv tus Tswv ua txhuayam txujci tseemcee hauv lawv lub neej. Yog peb ua tibzoo xav peb yuav pom haistias txawm cov thwjtim no kawm

ntawm Yexus tau ntev lawm los lawv tseem tsis tau kawm tiav. Yog li ntawd Yexus thiaj li pub Vajntsujplig Dawbhuv rau lawv kom lawv muaj tswvyim thiab txhawb lawv mus qhia Txojmoozoo.

(Show disciples receiving the Holy Spirit)



Nov zoo sisthoj li peb tibneeg txojkev ua ib tes haujlwm. Txawm peb kawm ntaub ntawv, muaj kev txawj lawm los peb tseem tsis tau paub ua tes haujlwm mus txog thaum lwmtus cob qhia kiag rau peb kom peb txawj ua. Thaum peb paub mentsi lawm, tseem tshuav yam tomntej, vim peb tsis paub haistias nws yuav tshwmsim li cas. Yog li ntawd peb yuavtsum muaj tus los coj peb txoj hauvkev kom peb ua tau thiaj li tsis muaj teebmeem. No yog Vajntsujplig Dawbhuv yog tus los pub lub tswvyim rau koj kom koj yuav ua tau thiaj li tsis muaj kev teebmeem tshwm tuaj rau ntawm tes haujlwm ntawd.

(Show map at Pentecost)




Cia kuv hais ntxiv kom nej totaub tshaj no. Nej saib thaum Petus los mus tshajtawm Vajtswv Txojmoozoo rau tibneeg tuaj tebchaws Axias, Medeteranian, Judea and Egypt etc. Lwm haiv tibneeg coob heev mloog saib Petus hais txog dabtsi. Petus twb tsis txawj hais lawv cov lus tiamsis thaum Petus hais lus, lwm haiv tibneeg hnov Txojmoozoo los ntawm lawv tejlus. Hnub ntawd thiaj li muaj li 3000 tus los ua kevcai ntxuav vim lawv txais Txojmoozoo uas Petus qhia txog tus Cawmseej Yexus Khetos.

II. Vajtswv txhawb Petus kom nws muaj lub dag lub zog los mus ua Vajtswv tes haujlwm. Tsis yog Petus tibleeg xwb, tiamsis cov thwjtim nrog rau cov ntseeg coob mus txhua qhov txhia chaw mus tshajtawm txojkev cawmdim ntawm Yexus Khetos. (Show flaming to another flame)



Vim lawv tau txais qhov khoom plig uas yog Vajntsujplig Dawbhuv los rau hauv lawv lub siab. Qhov no ua rau lawv lub siab kub li nplaimtaws, yog li ntawd, lawv yuavtsum coj tus nplaimtaws no mus kub rau lwmtus kom lwmtus cig ib yam li lawv. Thaum no yog tus nplaimtaws kub nplaimtaws, sawvdaws yuav kub ibyam vim sawvdaws tau txojkev cawmdim ib yam.



Vajntsujplig Dawbhuv twb los nyob rau hauv koj lub neej thaum koj los ntseeg Vajtswv. Yog nej ib txhia tseem ntshai thiab haistias, nej tsis tau Vajntsujplig Dawbhuv nyob rau hauv nej lub neej, nej cia li nyob kajsiab lug. Vajtswv txojlus haistias "No one can say, "Jesus is **Lord**," **except** by the **Holy Spirit** – Tsis muaj leejtwg haistias "Yexus yog tus Tswv," tsuas yog los ntawm Vajntsujplig Dawbhuv xwb" (1 Kauleethaus 12:3).

(Show the gift of the Holy Spirit)



Yog koj tsis lees paub haistias Yexus yog tus Tswv koj yeej tsis tau muaj Vajntsujplig Dawbhuv nyob rau hauv koj. Tiamsis thaum koj paub Yexus lawm, thaum no yog Vajntsujplig Dawbhuv yog tus qhia rau koj. Vajntsujplig Dawbhuv yog tus pub tswvyim rau koj kom koj txawj ua koj lub neej. Vajntsujplig Dawbhuv yog tus pub koj muaj siab dawb siab zoo, siab ntev, nyiaj taus tej kev txomnyem thiab pub txojkev kajsiab rau koj. Vajntsujplig Dawbhuv mus uantej koj txhua txoj hauvkev thiab coj koj kom koj paub ua txhua yam ntawm koj lub neej. (Show GO)



Cov kwvtij hlub thiab movtshua, Vajntsujplig Dawbhuv coj koj txojkev kom koj ua rau Vajtswv tau koobmeej. Tiamsis nws yuav tsis yuam kom koj ua. Vim koj tsis yog tus robot uas nws yuav muab koj tig li ub li no tiamsis nws yuav coj koj kev, kom koj paub ua qhov zoo tsis txhob ua qhov phem. Tiamsis peb tibneeg

pheed tsis cia Vajntsujplig Dawbhuv koj peb kev. Peb xum yuav li peb lub siab nyiam heevduas li Vajtswv lub siab nyiam. Vajtswv Txojmoozoo qhia kom peb yuavtsum "Go and make disciples of all nations Cia li mus muab txhua lub tebchaws los ua nws cov thwjtim..." (Mathais 28:19). (Show it's not me it's you and flame)



Peb tsis ua li Vajtswv txojlus samhwm tseg. Peb tsuas pheed haistias, cia lwm tus mam li ua. Yog koj ua li no, koj yuav ua li cas koj tau koj tus nplaimtaws mus kub thiab zes kom lwmtus cig tau tus nplaimtaws uas yog tau txojkev cawmdim ntawm Tswv Yexus Khetos. Koj twb hnov Txojmoozoo lawm, ua li cas koj tsis ua tus uas cig li tus nplaimtaws uas thaum tau kub tuaj, nws yuav kub mus rau qhov txhia qhov chaw? Peb Hmoob txheej thaum ub tsis tau muaj "lighter – teeb taw ntawm tes" yuavtsum sawv ntxov mus zes taw ntawm lwm lub tsev koj los rauv rau lawv cub tawg. Ib yig ua li ibyig. Kog zig kuv li, lwm zaug kuv zig koj li. Yim ua tsis muaj hluav taws thiaj li tau hlua taws ua noj ua haus. Nov yog peb Hmoob nplaim taws kub nplaim taws.

III. Cov kwvtij, nej yeej ua tau uas yog koj nej tus nplaimtaws mus kub tau rau lwmtus nplaimtaws, nws thiaj li yuav cig tsis tuag. Vim Vajntsujplig yuav koj koj thiab qhia koj txojkev kom koj yuav npaj tau koj tus nplaimtaws mus cig rau lwmtus. (Show finger of flame)



Txheej thaum ub nyob rau tebchaws Europe, thaum cov ntseeg hnov kias Txojmoozoo, lawv lub siab kub li nplaimtaws uas yuavtsum tau koj mus ze rau lwmtus kom lwmtus tau tus nplaimtaws ib yam li lawv. Lawv tus nplaimtaws cig li cas, lawv koj mus ze kom cig rau lwm tus. Txojmoozoo thiaj li mus thooib tebchaws, Loos, Efexaus, Kauleethaus, Thexaulinekes, thiab lwm lub tebchaws. Tiamsis tiam tamsim no, peb nyob rau lub ntiajteb cov ntseeg tsis muaj tus nplaimtaws ua cig kub lug xav koj mus ze kom lwmtus tau txojkev cawmdim. Txheej tebchaws thaum ub muaj cov ntseeg coob heev li tiamsis tiam tamsim no tsuas muaj li 3% thiaj li tseem yog cov ntseeg Vajtswv lawm xwb.

(Show is your faith important)



Lub ntiajteb no tsuas muaj li 25% suav haistias nws yog tus ntseeg Vajtswv. Vim thaum twg koj nug tibneeg haistias, "Koj txojkev ntseeg puas tseemcee rau koj?" Feem ntau teb li cas? Feem ntau teb haistias, "NO! Nws tsis tseemcee." Txawm tibneeg tsis totaub los Vajtswv muab Vajntsujplig Dawbhuv rau koj lawm, thaum koj los txais yuav Yexus ua Koj tus Cawmseej. (Show Acts 2:21)



Koj cia li mus qhia lwmtus kom lwmtus los tau txojkev cawmdim ntawm peb tus Cawmseej Tswv Yexus Khetos. Koj tus nplaimtaws yuav cig thiab yuav kub tau lwmtus nplaimtaws kom tus nplaimtaws yuav tsis tuag txog lub sijhawm uas Yexus rov los koj koj mus nrog nws nyob saum ntuj ceebtsheej tau txojhia mus ibtxhis tsis kawg. Koj yuav ua tau li no yog koj txojkev ntseeg kev cia siab rau Yexus Khetos. Vajtswv txojlus qhia haistias, "And everyone who calls on the name of the Lord will be saved – thiab txhuatus uas thov tus Tswv lub npe tus ntawd yuav dim." (Tes Haujlwm 2:21). (Show fear to faith)



Cov kwvtij hlub thiab movtshua, txheej thaum ub Vajtswv pub Vajntsujplig Dawbhuv rau nws cov thwjtim. Hnubno nws pub Vajntsujplig rau koj los ntawm nws "Word and Sacrament – Txojlus thiab nws tes Dejnum Dawbhuv." Thaum koj txais yuav thiab ntseeg Vajtswv Txojmoozoo, cia Vajntsujplig Dawbhuv pab koj koj Txojmoozoo ntawd cig li cov nplaimtaws hauv koj lub siab kom koj koj mus kub rau lwm tus nplaimtaws kom lwmtus tau txojkev cawmdim los ntawm peb tus Cawmseej Tswv Yexus Khetos. Asmees.

Thov kom Vajtswv Txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.